



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**

PRESIDÈNZIA
PRESIDENZA

SU PRESIDENTE

Prot. n. 1846

Ordinàntzia n. 2 de su 23 de freàrgiu 2020

Chistione: **Ordinàntzia urgente pro pònneru in atu àteras misuras pro cuntrastare s'isparghidura de sa maladia COVID-19, chi ant comente mira fàghere a manera de identificare cun prus atenzione sos casos suspetos in sas persones chi arrivint a sos portos e a sos aeroportos Sardos, e de los pòdere gestire mègius.**

SU PRESIDENTE

- BIDU s' Istatutu Ispetziale de Sardigna e sas normas de atuatzione;
- BIDA sa lege regionale de su 7 de su mese de Ghennàrgiu de su 1977, n.1 chi detèrminat sas "Normas subra s'organizatzione amministrativa de sa Regione Sarda e subra sas cumpetèntzias de sa Giunta, de sa Presidèntzia e de sos Assessorados regionales";
- BIDU su decretu de lege n. 1 de su 2 de su mese de Ghennàrgiu de su 2018 chi determinat su "Còdighe de sa protetzione tzivile";
- BIDA sa deliberatzione de su Consighiu de sos Ministros de su 31 de su mese de Ghennàrgiu de su 2020 chi determinat sa "Decraratzione de s'istadu de emergèntzia pro su perìgulu sanitàriu causadu dae custas malàdias chi derivant dae sos virus";
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de su mese de Freàrgiu de su 2020 chi detèrminat sos "Primos interventos urgentes de protetzione tzivile pro cantu pertocat s'emergèntzia e su perìgulu sanitàriu causadu dae custas malàdias chi derivant dae sos virus;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

Su Presidente

- CUNSIDERADU chi su Capu de su Dipartimentu de sa Protetzione Tzivile, pro fàghere fronte a s'emergèntzia indicada in sa deliberazione de su Consìgiu de sos Ministros, at convocadu su Comitadu Natzionale de sa Protetzione Tzivile comente narat s'art. 14 de su D.Lgs. 1/2018;
- LEADU ATU de cantu est istadu detzisu in sa riunione de custu comitadu, pro cantu pertocat s'acumprimentu de sos controllos pro medire sa frebba de sos pasegeris de sos aeroportos;
- BIDA sa nota de su prot. n.12318-P de su 03.02.2020 de ENAC;
- BIDA sa nota de su prot. n.5365 de su 04.02.2020 de su Capu de su Dipartimentu de sa Protetzione Tzivile coordinadore de sos interventos ex OCDPC n. 630/2020;
- CUNSIDERADOS sos casos de malàidos de COVID-19 cunfirmados in su territòriu italianu;
- BIDA s'ordinàntzia de su Ministru de su Saludu de su 21 de su mese de Freàrgiu de su 2020 chi òrdinat àteras misuras pro cumbàtere s'isparghidura de sa malàdia COVID-19;
- BIDA s'Ordinàntzia de su Presidente de sa Regione Sardinia n. 1 de su 22.02.2020;
- BIDA sa Lege de su 23 de su mese de Nadale de su 1978, n.833 "Istituzione de su servìtziu sanitariu natzionale" e mestamente s'art. 32;
- RITENNIDU urgente afortigare sas misuras de bardiamentu sanitariu e de controllu chi sunt istadas impreadas fintzas a como pro prevènnere e cuntènnere s'isparghidura de custa malàdia COVID- 19;
- RITENNIDU oportunu de afortigare sas misuras operativas pro s'identificatzione e pro sa gestione de sos passegieris sospetos chi arrivint a sos portos e a sos aeroportos Sardos;
- VALUTADAS sas solutzione tècnicas pro afortigare su bardiamentu sanitariu, in cunforma a printzìpios bàlidos;
- VALUTADA s'urgèntzia de adotare custu provedimentu;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

Su Presidente

òrdinat

- Art. 1) Sos controllos detzisos pro su bardiamentu sanitàriu, fatu dae su personale indicadu, fintzas si custu faghet parte de organizatziones de voluntariadu e de Protetzione Tzivile, depent èssere fatos segundu sas indicatziones frunnidas dae sos cumpetentes USMAF, màssimu a sos passigeris chi arrivant dae àteras regiones a sos portos e a sos aeroportos Sardos.
- Art. 2) Pro fàghere a manera de fatzilitare sos controllos, mentovados in s'art.1, sos sugetos chi gestint sos portos e sos aeroportos depent assicurare caminos adatos cun "termoscanner", pro pòdere isolare sos passegieris fintzas a sa fine de sos controllos.
- Art. 3) Pro su chi pertocat sos passegieris de sos aeroportos, pro chircare de no los fàghere intrare in cuntatu intre issos, s'operadore sanitàriu depet medire sa frebba e fàghere sos àteros controllos in cunforma a sos inditos dados dae sos entes e dae sos sugetos indicados pro sa vigilàntzia in su settore de s'aviazione tzivile derivados dae su Còdighe de sa Navigatzione.
- Art. 4) Custa ordinàntzia at balidade de 90 dies dae oe e benit mandada deretu a su Presidente de su Consighiu de sos Ministros, a su Ministru de su Saludu, a su Capu de su Dipartimentu de sa Protetzione Tzivile, a sos Prefetos de sos Ufizzios territoriales Sardos, a sos Assessoros regionales, a sos Amministradores de sas provintzias regionales, a su Sindigu de Casteddu e a sos Sindigos de sas Comunas de sa Sardigna.
- Art. 5) S'atuatzione e sa vigilàntzia supra su respetu de custu ordinàntzia benit delegada a sas istruturas cumpetentes de sa pùblica Amministratzione.
- Art. 6) Custa ordinàntzia est publicada in su BURAS e in su giassu internet de sa Regione Sardigna.

Su Presidente

Christian Solinas